

浮山縣志卷之二十四

列女

柏舟矢節鷄鳴會盈以至錡釜衾裯之微詩人皆纒纒
致意焉而世獨重節烈以其致命遂志堅貞無斃是為
難耳浮山自元馬氏而後代多節烈其他女德母儀胥
足樹壺範而輝彤史者亦並志之志列女

元

馬氏 衛旗妻年十八夫故子禎甫 歲舅姑且老氏賴
紡績以供甘旨守志三十餘年貞白無玷至正八

浮山縣志

卷之二十四

列女

一

年旌表其門
祀節孝祠

楊氏 楊貞女年十三字邑人衛貞既受聘貞以商卒於
外訃聞女哭之慟曰妾通名於衛即衛婦也誓守

終身至正八年旌
表其門祀節孝祠

明

氏 陳敬妻年十七適陳甫數月陳以勤王遠戍臨
與氏訣曰此行歸否未卜善保遺孕若得育子

繼陳宗死且無憾氏曰謹受命雖非子亦寧忍負 布
耶後生子俊撫育人陳竟不返曾孫 陝西布

政使上蔡陳遜
學撰文表其墓

張氏 蓋理妻年十八而寡子世望未 張立志撫
遊泮孫彪亦列庠家範嚴肅蒙 旌表祀

張氏 廩生許鳳妻敏慧淑慎未有子鳳邁疾不起疑氏無固志諷之曰吾產頗饒且笥中尚餘膳金百餘

兩可以羸贍子將若何氏曰君脫不諱妾身且不有奚有於此後鳳死七日味爽東妝易服哭於靈前遂

自縊祀節孝祠

張氏 庠生衛道妻年二十六而寡食貧守志撫二子朝縉朝紳胥成名朝縉由明經任廣陵訓導

張氏 庠生王心妻年二十五而寡子牧民幼訓讀成名由明經任平湖丞順治中死海寇難有司旌之曰

冰心幽婉玉質貞閑守名閱之芳型嫺女箴於內則

陳氏 侯維新妻年二十六夫亡撫訓幼子讓得列庠序貞節孝行蒙旌表祀節孝祠

張氏 喬維通妻年二十八夫亡清苦自厲敬事翁姑葬祭如禮子盛充本邑掾吏事母以孝聞至

浮山縣志

卷之二十四

列女

二

國朝蒙旌錫以布粟邑令

楊公給匾旌之

高氏 張權妻性淑靜年二十四而寡撫孤雲路雲鵬胥克成立雲鵬列邑庠有文名邑侯有節比松筠柏

舟自矢之褒

齊氏 衛朝紀妻年二十五而寡舅姑胥亡子皇極甫三歲齊紡績治生苦節五十餘年壽八十二卒有司

給匾旌其門

陳氏 高衡妻年二十二夫亡三子胥幼家徒壁立氏與孀姑矢志守節歷五十年

喬氏 成文妻年二十夫亡子錦章方在抱翁武進士斌才去世有祖翁年踰七旬氏仰事俯育勵節終身

鄒氏 庠生蓋國典妻早寡子二忠六歲恕生甫數月刻苦守志備歷艱辛訓忠力學遊庠有文名年踰七

卒 旬

姜氏

周家率妻三旬有八而寡三子皆幼而家道復艱姜清苦自持冰霜勵操撫其子珣勤學入庠為文

崇學之士有司以孝友舉德行經學使者徐公獎賚優

陳氏

楊瑤森妻年二十而寡子標未週歲矢志守節始終不渝撫子成立

史氏

李鎧妻鎧四旬無子史為娶妾生子天奇甫彌月鎧逝史與妾共矢節撫成之

賈氏

柏完紳妻年二十二而寡子青芳甫三歲守節撫子始終一轍閭里稱之

侯氏

庠生李曰暢妻年二十四而寡孀居四十餘年撫子三桂五桂胥克成立

郭氏

許克已妻年二十四而寡執節不渝撫子金渾金浩成立闡範肅然

浮山縣志

卷之二十四

列女

三

秦氏

崔應雛妻早寡守志應雛累世業農子祥鼎方數歲氏茹藥課讀卒令有成

秦氏

段徵妻徵弟敘早卒遺孤方在襁褓氏撫如己子未幾徵亦亡子守成髮未燥屢為邑豪侵侮秦直

於官嚴毅淑慎終身如一 日二子胥撫有成

張氏

黃浩妻 王氏 李約 胥早寡有志行並以節稱

張氏

郭九仞妻崇禎間賊至史壁村被獲欲犯之氏誘以善言防衛稍懈投深崖死奉旌祀節孝祠

葛氏

齊國才妻崇禎間賊紫金梁攻破南王洞氏被執與鳴臯妻張氏相繼死節詔旌之

張氏

齊鳴臯妻崇禎間流寇攻破南王洞被執掠之俱去時氏方在制服縞素給曰我既行宜易服以

從賊意弛乘間投道 旁井中死詔旌之

國朝

崔氏

侯于楚之母順治六年流寇滋擾于楚與母避難過北郊遇邑侯王公廷佐為賊所迫踰城墜壕赤

足伏地崔氏曰賊在後汝當負公急行已而賊果至

楚奮力敵賊且戰且走崔更諭之曰倘賊大至奈何

寧撤我無令傷公汝速負公去無以我為念楚度勢

難兩全先負公趨至北閣村及回迎其母賊已磔之

中途後公親為祭

奠旌以陵母遺烈

周氏

張銘妻生子三人妾李氏生子一人銘病篤謂周曰爾母子四人可以相守李年幼將若何周曰李

氏結髮從君非他媵可比我在必無憂也及銘卒勗

李苦節共勵未幾李亦逝周撫庶子思勤彌至俱獲

成立邑令楊

名世褒之

浮山縣志

卷之二十四

列女

四

秦氏

葛勳元妻夫卒遣一女庶子紱方幼氏鞠育備篤女外適思無私及事翁姑壽九旬色養不衰閭里

之賢

李

為氏年十七歸許越十年夫病篤以老氏涕泣受命康熙乙亥地震姑被壓

手啓土十指流血奉姑以壽終撫幼子成立年五十二卒

石氏

柏耀妻 段氏 張桓妻 鄭氏 楊祥妻 以上俱守志節 見府志

崔氏

候選訓導張大績繼妻年十六歸張夫邁疾不起氏砥守志節奉孀姑得其歡心前子鴻舉甫五歲

辛勤撫育恩逾所生孀居二十餘年卒子亦孝養備至上憲暨郡守邑侯胥給匾額乾隆四年奉

旨建坊旌表祀節孝祠

張氏

高景妻年二十五夫亡姑老遺二子作梁作相俱幼家徒四壁或勸之改適氏泣曰未亡人誓不為

兩姓婦且老而孩者將焉置之朝夕紡績守志養姑訓二子皆克有成雍正五年題請旌表祀節孝祠

張氏

楊起林妻年二十七夫以地震死子舜甫三歲次徵方在娠時夫兄茂林亦亡其婦他適遺孤二氏

胥鞠哺之家素貧至是愈困氏晝夜紡績育子姪四人胥成年五十五以勞勤死苦節尤為罕覲云

程氏

庠生秦淵妻年二十九夫故撫幼子永大初永大不事生業母苦戒之永大痛自改悔截其手二指

卒至成家程苦節四十餘年而終邑令袁公獎之

王氏

陳信妻年十五歸陳事翁姑以孝稱二十七夫亡翁已先逝孀姑在堂子啓先啓明胥幼家故壁立

之氏勤十指以資俯仰苦節三十餘年卒邑令袁公獎之

浮山縣志

卷之二十四

列女

五

石氏

喬永綿妻年二十五夫客死京邸氏痛不欲生念遺孤在襁褓中含酸撫育艱苦萬狀年六十四既

病呼子崇曰吾將告成事於地下矣遂含笑而逝

高氏

王金魁妻年二十七夫亡舅姑胥逝祖姑蓋氏年七旬兒企商甫六歲家貧體無完褐日不再食氏

紡績操作奉甘旨無缺男女嫁婚無失時年六十二以壽終

張氏

生員侯于晉妻夫亡氏年二十七遺子緒業甫五歲辛勤課讀名列泮宮更諭子恤族焚券以修德

行壽七十五而終邑侯楊公表其門曰德化玄禽旌其子曰壯志凌雲

霍氏

張皇猷妻年二十三夫歿京邸遺子甫週氏甘貧矢志紡績易米奉姑勤謹撫子成立邑令錢公旌

以冰霜矢操乾隆十年奉旨建坊旌表祀節孝祠

賈氏

事夫及嫡甚謹年十八病以年少令別嫁氏泣曰主君脫不諱妾願相從地下君微哂之氏曰主疑我乎請先死以明志家人以為誑不之察值君病篤氏遂自縊而君病旋愈

蓋氏

孫邦美妻年十六于歸閱二年而寡夫死踰月生子可捷時老翁病卧床褥氏省視惟謹湯藥必親苦節六十餘年可捷入成均孫四人三列宮墻皆苦節之報年八十有二而終

高氏

王定圖妻年二十夫以地震死舅姑老且病遺子未週氏椎髻操作飲冰茹藥者三十餘年壽五十卒

秦氏

衛封妻年十四歸封後十四年夫亡遺二子復光甫四歲復先方六月又封弟庠生疆妻張氏年十

浮山縣志

卷之二十四

列女

六

六歸疆十一年夫亡二氏協志矢守奉翁姑撫孤幼時稱雙節秦氏現年五十五張氏現年五十二

張氏

侯傅妻年十七歸傅越五年夫故遺子掄賢甫五月氏誓不二天備嘗艱苦事孀姑生死無缺禮邑令屢旌之乾隆二年奉

張氏

生員齊頡妻年二十八夫逝無子或有諷以他適者張對天泣誓願終身奉事翁姑不事二姓撫育堂姪為嗣姑病調理湯藥衣不解帶翁年八旬有一得疾卧床張奉侍惟謹雖襜褕之物必以潔淨翁因病性躁輒責詈之氏愈加恭謹歷四載毫無怨嗟節孝俱懋年已八十康健異常奉

旨旌表給帑建坊

祀節孝祠

許氏

邑庠增生張嗣茂妻幼聰慧通大義年十三于歸未逮事其姑而太姑年已七十一尚主中饋氏躬

親自任年十九夫因力學致疾氏日侍湯藥更籲天願以身代越五月夫卒氏哭泣擗踊幾不欲生願以太舅姑及舅老二子方在襁褓勉進飣粥以營喪葬悉如儀後太舅姑及舅相繼捐館哀禮兼盡二孤稍長勗以勤儉課讀不少假長子介祥列庠序候補府通判次子介祺官刑部郎中封太宜人常煮粥以食饑者冰心苦節三十年如一日乾隆五年奉旨建坊旌表祀節孝祠一時公卿大夫爭賦詩頌揚刻有錄節孝

程氏 周日增妻年二十七夫亡遺子二潤七歲澤甫六月未幾潤亦殤氏撫澤有成事孀姑無缺禮苦節四十年如一日現年七十有六

姚氏 段審妻年二十五夫亡遺子甫二歲家無升斗氏矢志不移撫孤有成現年六十有一

浮山縣志

卷之二十四

列女

七

秦氏 葛之福妻年二十四夫亡孀姑老且病遺子纔週歲家徒壁立氏兩手拮据仰事俯育皆賴之邑令表其門曰嗣徽可欽

柏氏 蓋祿重妻早寡清苦自守撫二子先第國智勤力讀書先第為郡椽國智充本邑典吏並以孝聞學憲徐公以節孝可風旌之

郭氏 張紹琴母年十九而寡誓不再醮家甚貧紡織為生撫養遺孤更遭繼姑百般凌辱歷艱弗踰邑侯陸公聞其賢錫匾旌之

柴氏 舉人喬昌齡副室性淑慎勤儉持家孝事舅姑每遇卧病調甘旨伺湯藥無少懈怠且焚香禱祝願減已壽以益遐齡生養死葬盡哀盡禮柴年二十九昌齡卒幾不欲生以二子年幼苦守節操紡績佐讀

四十餘年如一日學憲勵公旌匾曰嗣音黃德徵以廩生薦舉歷任廣西從化知縣贈孺人

德徵候選州同待贈安人

燕氏

南王村李貞祥妻年十七于歸甫二歲貞祥故翁姑令其他適氏乃痛憤悲號誓不再醮堅貞自守

孝養翁姑孀居二十餘載年四十一而卒族里咸稱誦焉

張氏

董茂生妻年二十五歲夫亡遺女四歲子璠方在襁褓誓不再醮茹苦含辛勤事紡績奉養舅姑俱

以壽終撫育子女婚嫁已畢孀居二十餘載年四十八而卒鄉人以節孝稱之

張氏

葛學明妻夫年四十張無所出張以宗祀事大勸夫置妾夫不允張出平日所蓄已財代為娶妾生

子女各一人又生二孫時人賢之

浮山縣志

卷之二十四

列女

八

高氏

侯秉學妻夫亡年僅十八慟不欲生又念翁姑年過七旬子甫八月氏誓以送終存孤永不他適家

徒壁立仰事俯育胥取資於織紡茹糲衣粗毫無難色翁姑有疾親嘗湯藥百計調護歿後棺木衣衾拮

据措辦歷三十五載艱辛備嘗撫子成立年五十二而終乾隆七年有司上其事奉

旨旌表祀節孝祠有節孝錄

席氏

西韓村張秀文妻年二十四而寡遺子雲霄方四齡甘貧守志日勤紡績撫育成立娶婦陳氏甫生

一孫雲霄亦亡婦姑協志撫孤席氏現年七十有四苦節五十年人皆稱之

徐氏

喬森妻年二十七而寡撫子壽齡成立不幸又故媳柏氏時年三十子瑞徵尚幼兩世一孤姑媳二

人以紡績度日刻苦撫育徐年七十有八柏年五十有六孫曾二人賴以成立邑侯陳公匾其門曰崇

節

王氏

馬世功妻年二十六而寡誓不再醮苦節自守撫堂姪成勲以承夫嗣其思育篤摯如同已出孀居

四十餘年
始終不渝

王氏

侯嘉勲之妾粵西宣化人也嘉勲父大有官粵之武緣嘉勲及堂兄元勲俱隨任所嘉勲娶王氏越

一載生子慶乾次年烟瘴突發全家胥歿惟存氏與子氏痛哭悲號即欲相從泉路既而曰子無所托我若死侯門絕嗣矣上憲及同僚憐生哀死倡捐贖贖助其旋里晉粵相去萬里氏父母屢阻之氏堅心欲歸臨行哭曰兒非不愛親但既嫁侯姓即為侯氏婦矣且夫死從子有此子可以延侯氏後二親年老萬里之外恨不能省視從此一別生死永訣矣遂扶三櫬抵里後矢志苦守撫子成立鄉黨賢之

浮山縣志

卷之二十四

列女

九

衛氏

楊琮妻年十九歲夫亡孀姑在堂遺子松園尚幼氏剪髮自誓矢不他適勵志守節仰事俯育及姑

逝氏竭力備辦大事盡哀盡禮教子入泮苦守五十年貞操弗渝族里稱之

張氏

廩生柏長壽繼妻寺歸數年壽忽暴症而逝氏年二十有四遺孤久甫八月氏號呼幾絕痛不欲生

時舅姑在堂慰之曰汝若哀毀賀命我輩年邁襁褓孤兒何托氏忍悲抑痛親操井臼孝養舅姑遇病親侍湯藥既歿喪葬如禮撫孤成立尤勤紡織積布盈箱自服之外冬月見有赤貧無衣者輒施與之乾隆

十年奉
旨建坊旌表祀節孝祠

喬氏

張樞妻年二十八而寡舅年八旬遺子二長烈甫七歲次煦方在襁褓家素寒維時米珠薪桂氏曉

夜女紅以供饗殮翁獲終養子俱成名范學憲旌其門曰璇閨懿範

李氏

南王村衛禮望妻年十六于歸二載禮望病逝生遺腹子子週家貧氏女工度日辛勤撫育子週年

三十八又故媳亦相繼而亡孫甫六歲氏撫之成立苦節五十餘年壽七十一而終廣文王匾其門日有

共姜風

楊氏

李萬盛之母夫亡氏年十八萬盛生纔五月家計貧乏誓志守節氏父勒令再醮已至中途氏無計

可施遂給轎夫曰腹疼甚欲泄即投百尺崖下損其左足娶者止其事後父歿竟不奔喪或問之曰曾使

我失節耳迨母故喪服六載曰天下豈有無父母之人哉壽七十八而卒

張氏

程村張大訓妾也訓歿張無所出嫡妻生有一子甫數月外親以襁褓難保議奪其妻志張躬親撫

育晝夜弗懈不啻已出惟慮失養以絕夫嗣今幸成立鄉里稱之

浮山縣志

卷之二十四

列女

十

孟氏

賈作桓妻年十五千歸後遭姑喪家計蕭條勸夫出外貿易歷五載夫以病故氏年二十止遺一女

其舅痛子致癰氏親奉湯藥紡織易米以養居艱於水貧不能覓人嘗向深溝汲取其跋涉之苦不令舅

知歷十四年從未歸寧其女嫁後旋亡念舅老病在床撫柩一慟即回先是桓臨終時囑氏曰我無子嗣

痛父年邁千祈代我奉事多守幾年九泉之下感戴不盡氏痛哭誓以死守及舅歿竭力送終親族有勸

其再適者氏以夫故之時曾以死自誓今日改節真禽獸不如矣孀居三十五年貞潔無玷氏痛賈門絕

嗣求一承繼者又不可得因謀諸族長撫養賈月照以奉香火每逢祭時必親領拜祀各墓並將墓左地

旨旌表

李氏

南王村衛甲擢之妻耆賓李景碧之女年二十三擢卒遺腹子方週而殤親族胥勸更適氏立誓堅

守欲以婦代子孝養翁姑雍睦妯娌日主中饋勤儉
備至雖勞弗怨翁姑憐其苦節令撫從姪紹封承嗣

愛如已出孀居四
十九年始終不渝

齊氏 楊隨先妻年三十二而寡遺子二典尚幼矢志苦
守績紡度生撫孤有成年近六旬蘇學憲以貞節

可風旌
其門

楊氏 朱昌妻居邑之南西河年甫二十昌逝孀姑在堂
遺孤僅二歲家止薄田十餘畝姑欲奪氏志氏泣

曰吾家仰事俯育皆氏之責豈忍他適生願為朱氏
婦死願為朱氏鬼時有富戶知為賢婦倩人議娶氏

怒絕之曰忠臣不事二主烈女不更夫姑老子幼
豈可再嫁以虧婦道為天地間一大罪人耶聞者歎

服而去力農勤績三十餘年養姑以壽終訓子以成
立內外無間

浮山縣志

卷之二十四

列女

十一

喬氏 張祥昌妻年二十四而寡清苦自勵子冕方在冲
齡舅及繼姑老而多病氏親侍湯藥不倦歿後祭

葬如禮守節四十餘年
撫子成立鄉黨歎服

楊氏 北杜村王助妻助亡氏年二十遺子掄賢甫二歲
家甚貧氏矢志自守辛苦備嘗奉養老姑竭力盡

志撫教其子掄賢遊泮廣文崔嘉其苦節旌以勁比
松筠復申學憲范以節孝兩全旌其門

陝氏 燕充妻年二十歲充以疾卒遺弱女方在襁褓氏
孝事翁姑及歿送終盡禮撫姪起捷以承夫嗣殷

勤鞠育至於成立孀居三十餘年艱苦弗渝邑侯陳
公以松筠節操旌其門

李氏 趙廷臣妻夫亡氏年十九遺子甫二歲姑已逝翁
年過半百家計蕭條氏誓不再醮因名子守成以

示守子成立之意日勤紡織上事老翁下撫幼孤茹
蘖飲水四十餘年前任袁公以節孝并美旌其門現

年七十
三歲

姚氏

生員馬錫昌妻年二十八而寡遺子捷功提功俱
幼氏苦志自守教育二子胥得名冰玉之操見

聞嘉
嘆

張氏

崔達妻年十五于歸未幾姑逝親操井臼事舅及
繼姑孝養無缺夫逝氏年二十有四遺子賦奇甫
四齡家業蕭條紡績度日孀居苦節終身不渝教子
力學卒獲入泮蘇學使旌其門曰冰心荻教